



書經蔡傳通考 八


卷八

服部文庫  
117  
147  
8



117  
147  
8

尚書通考卷之八



鄭氏通志地理畧序

州縣之設有時而更山川之形千古不易所以禹貢  
分州必以山川定經界使兗州可移而濟河之兗不  
能移使梁州可遷而華陽黑水之梁不能遷是故禹  
貢為萬世不易之書後之史家主於州縣州縣移易  
其書遂廢今之地里以水為主水者地脉絡也郡縣  
碁布州道瓜分皆由水以別焉中國之水則江河淮  
濟為四瀆諸水所歸苟明乎此則天下可運於掌  
江水出岷山一名瀆山一名汶阜山今屬茂州汶山

尚書通考

卷八

縣古毋駝氏漢汶山郡發源不一亦甚微所謂發濫  
勝者也東南百餘里至天彭山亦謂之天谷亦謂之  
天彭門兩山相對水徑其間其山屬今彭州又東南  
過成都邾縣又東南過江陽有湔水從西北來入焉  
江陽隋并入隆山唐改為彭山今屬眉州又南過嘉  
州犍為定嘉路又南過戎州夔道縣北叙若水淹水  
從西來入焉又東南至巴郡江州縣有羗水涪水巴  
水白水潛水逾水合流入焉故庾仲雍謂江州縣二  
水口右則涪內水左則巴內水是也江州縣今渝州  
江津縣是江重慶路又東過涪州忠州萬州又東過

雲安軍雲安故胸臆縣後周改名今雲陽州又東過魚復  
魚復今夔州奉節也逕永安宮在奉節縣蜀先主卒于此及諸葛  
亮圖壘南八陣圖在奉節西南七里又東南過赤岬  
城即杜詩赤甲白鹽皆山名又東過巫峽巫溪水入焉又東過秭  
歸州今歸州又東過夷陵州今峽州又東過宜都峽州宜都縣又東  
過禹斷江又東過枝江枝江縣有沮水入焉又東  
過石首今江陵府石首縣又東過華容今岳州華容縣有涌水入焉  
又東至巴陵今岳州巴陵縣合于洞庭之陂其陂有澧水從  
西來入焉次有沅水從西南來入焉次有湘水從南  
來入焉共而東出由武昌出與漢水合而為大江東

過九江今江州路非禹貢之九江也有九江水合而為彭蠡陂鄱陽從南來入焉又東右過江寧有丹陽水從南來入焉江鎮又東左過江都今揚州刊溝出焉又東過江陰今江陰州許浦入海按入海在今靜海縣班云行二千六百六十里謬矣

淮水出唐州桐柏縣大復山東過義陽今信陽也又東過褒信今息州楚封白汝水出今汝州自西北來入焉又東過安豐決水自南來入焉又東北有窮水從北來入焉又東過下蔡今蔡縣舊屬隸安豐路潁水從西北來入焉又東過壽春今安豐路有肥水從東南來入焉

又東北有豪水入焉又北汴水入焉酈道元云汴即蕨蕩渠也又東過鍾離今臨淮府又東過盱眙今臨淮府有汴水從北來入焉又東至山陽今淮安路通刊溝又東泗水自東北來入焉又東至海州東海今海州入海班云行三千二百四十里

濟水從滎陽縣北今鄭州滎陽縣又東過敖山北在鄭州仲又東合滎瀆今無水又東索水入焉又東過陽武縣北今延州武縣又東過封丘縣今汴梁封丘縣又東過酸棗縣今滑州之鳥巢澤北又東過乘氏縣南舊屬今分為河水又東北過鉅野今濟寧路鉅野縣濮水入焉又東北過壽張

今東平路。汶水從東北來入焉。又東過須城。今東平路。須城。又東北過臨邑。舊屬濟南。又東北過故廬城北。今濟寧路。廬縣。又東北灤水入焉。又東北過蒲臺縣北。今陽路。華不注山。華水入焉。南在濟路。又東北過利縣西。地里志曰：利縣在濟城北五十里。又東北過甲下邑。河分一。枝入焉。又東北入于海。聞今濟水多涸竭。  
河水自西域來。其大原有三：正原出，昆侖山東北陲而東行；一原出，天竺葱嶺；一原出于闐南山北行，與

葱嶺河合而東入于昆侖河。或云：張騫窮河源，至葱嶺河。爾故西域傳云：河有兩源，一出葱嶺，一出于闐而沒其正原也。三河合而東過蒲昌。或云：入蒲昌海而復東出於理不。然乃東至積石山下，有石門。河水冒以西南流，是為中國河。積石山屬鄯州。今積石州。禹之所道自此始。故其詳得聞焉。遂過西平，即鄯州。又東南過枹罕。河州也。有洮水從西來入焉。又東過金城，允吾縣。湟水從西來入焉。金城，蘭州也。遂轉而北，過武威。梁州也。今涼州。又北至朔方。故夏州也。今寧夏路。遂轉而東

南又南過上郡白土縣。圍水從西來入焉。上郡綏州也。今緜州。又南過隰州太寧縣壺口山。又南過北屈。今慈州吉鄉也。漢北屈州。今吉州。而為采桑津。又南過龍門。有汾水從東來入焉。龍門縣今隸河中。又南過夏陽梁山之東。又南過汾陰縣西。郃陽縣東。又南過蒲阪縣雷首山西。蒲阪今河東也。有涑水從東北來入焉。又南過華陰縣潼關。今華州。華陰縣。渭水從西來入焉。遂轉而東過河北縣。今陝州平陸也。又東過陝縣底柱山。山在河中。今流包山而過。湍急多覆溺舟船。又東嶠水從右入焉。是謂嶠津。亦謂之茅津。又東左過絳州垣曲。

縣湛水從北來入焉。又東而為孟津。又東過河陽縣。今孟州。南洛陽縣北。今河南府。又東過溫縣。今孟州。沮水從西北來入焉。又東右過鞏縣。今河南府。洛水從西南來入焉。左過成臯縣北。沅水從北來入焉。成臯今汜水。又東過大伾山下。又東汜水從南來入焉。又東過滎陽縣。今鄭州。西北而為棘津。又東過滎陽縣。鴻溝出焉。鴻溝一名官度水。一名菴蕩渠。今謂之汴河。大禹塞滎澤。開之以引河水。東南通淮。泗菴蕩渠。據桑欽所說。即此也。而班固又云。菴蕩渠受濟水。至陳入潁。未詳其實。又東北過懷州武陟。沁水入焉。又東過酸棗。

縣西舊屬今滑州濮水東出焉。或云漢文帝時河決酸棗東潰金隄發卒塞之。其水遂絕。又東北而為延津。又東北左過黎陽大伾山。黎陽今通利軍治也。今滑有淇水從西來入焉。淇水即降水也。又東北過濮州別出而為甄子河。漢武帝時河決甄子水注鉅野。通于淮泗發卒塞之。又東北過東武陽。今大名朝城也。而為漯河。又東北過大名館陶縣。別出而為屯氏河。又東北過清河靈縣。別出而為鳴犢河。靈縣隋省入博平。今隸博州。博平縣。州鳴犢至瀛州。今河務縣與屯氏河通。三河今皆絕矣。又北過德州平原。又東北過隸

州厭次。又東北過濱州渤海。又東北過青州千乘。舊屬都路。又東北過甲下邑。別出一枝入濟。又東北入于海。舊說禹河道至頓丘。今屬魏州。今大名路。分為二渠。一曰漯川。出武陽。大至千乘入渤海。一曰北潰。出貝丘。恩至大陸。北播為九河。同為逆河。入于海。舊云大陸在鉅鹿北。鉅鹿古刑州。今順德路。乃故大陸縣。唐改為昭慶。宋開寶改為隆平。近省為鎮。入趙州臨城。今趙州隆平縣。有大隆澤。然禹貢大陸當只是汲郡。今衛吳澤。非趙州大陸縣也。鄭氏云九河齊桓公塞之。而北潰至王莽時亦絕。故世謂王莽河今在末靜軍。今景然臣每疑禹之所

道無二河。按禹貢文東過洛汭至于大伾北過洛水至于大陸又北播為九河同為逆河入于海。又按武帝元光三年春河水從頓丘東南流入渤海是為朝城舊屬魏州今大名路之漯河然則今河之入海者入渤海爾禹貢所謂入于海者由碣石之海碣石今在平州北瀆者乃禹所道之河其後河犇漯川入于渤海故瀆遂絕九河不復通蓋故瀆在北漯川在東河決而東勢則然也恐非齊桓公所塞自河決漯川之後北瀆遂微九河皆絕但王莽河上承北瀆下入逆河為一河微通奈北勢高故後亦絕但由漯川爾大抵河

自西戎入塞經秦隴陝洛夾山而行故少有決徙之患自河陽今孟州以下東至海千里平由虛壤故多奔決無定流。

漢水名雖多而實一水說者紛然其原出興元府西縣嶓冢山為漾水東流為沔水故地曰沔陽又東至南鄭為漢水有褒水從武功今乾州來入焉南鄭與元洽興元故漢中郡也又東左與文水會又東過西城今金州旬水入焉又東過鄖鄉縣今均州南又屈而東南過武當縣今均州又東過順陽縣有涇水自魏州廬氏縣北來入焉又東過中廬別有淮水自房陵今房州



淮水東流入焉。又東過南漳今襄陽路縣。荆山而為滄浪之水。或云在襄陽。即為滄浪之水。又東南過宜城今襄陽路。有鄆水入焉。又東過郡。敖水入焉。又東南曰水入焉。又東過雲杜而為夏水。有澮水入焉。雲杜後并入安州。安陸舊屬江夏郡今陸安府。又東至漢陽。觸大別山。南入于江。漢陽故夏口之地。今漢陽府。班云行一千七百六十里。

**泗水** 舊云出卞縣故城。東南桃虛。西北卞縣。今兗州泗水縣。是說文云。泗水受濟水。桑欽亦云。濟水至濟陰今曹。乘氏縣。分為二。一水東北流為北濟。一水南

流為南濟。按今此水與濟已不通矣。其源出泗水縣西南。流有洙水入焉。又西南至方與縣。荷水入焉。其水出乘氏。班固亦謂之泗水。方與今單州魚臺今魚臺縣。又云有濼水至高平。湖陸入泗水。又南至彭城今徐州。名曰沛水。有睢水入焉。又西南至下邳今邳州。沂水入焉。又南至楚州。山陽今淮安路。入淮。此水今人謂之清河。或云泗水出鄆州今東平路。梁山泊。**洛水** 出商州。上洛縣。冢嶺山。桑欽云出謹舉山。恐是上洛。舊名謹舉。東過熊耳山。又東過盧氏縣今嵩州。又東過河南縣。穀水從西來入焉。又東過洛陽。南伊

水從西來入焉。又東過偃師。灑水從西來入焉。又東過鞏縣。東皆河南洛陽偃師鞏。又北入于河。班云行千七十里。

渭水舊云出隴西首陽縣渭首亭南鳥鼠山首陽唐

省入渭源隸渭州今鞏昌府。今隸熙州在州之東臨

洮府即其水東過隴州汧源古熙州。水從西北來入焉。又

東過鳳翔郿縣斜水從南來入焉。又東過槐里縣南

澇水入焉。槐里今永興與平縣今奉元路。又東北過

咸陽縣澧水入焉。又東北過高陵涇水入焉。咸陽高陵皆奉

元路。又東北過富平縣今隸耀州。漆水入焉。又東洛水

入焉。此洛水出同州蒲城縣洛水谷在荆山。又東

過臨潼縣今奉元。灞水入焉。又東至船司空縣入河

船司空後省入華陰今隸華州。班云渭水行千八百

七十里。

汾水出太原今與寧路。汾陽縣北管涔山今管。汾陽今太

原治陽曲也。東南過晉陽縣東晉水從縣南東流入

焉。又南與文水合。又西南過高粱高粱今屬洪洞洪洞

屬平陽今。遂西行過臨汾臨汾屬。又西過絳縣今絳

西四十里廐析宮北。又西過王澤有澮水從東來入

焉。又西至汾陰縣北西入于河。汾陰今河中滎河縣

也。班云：汾水西南行，千三百四十里，冀州浸也。

**清漳水** 班云：出上黨沾縣大黽谷。出平定州樂平少

東北過磁州武安，與濁漳合而衡流，故名曰衡漳。濁漳

出今潞州長子縣發鳩山 又東北過洛，今廣平路 曲周平恩縣，又東北

過冀州武邑，又東北過弓高縣，弓高今為鎮，隸永靜

東光州。今景州 又東北過成平，成平今為景城鎮，隸瀛州

今河間 樂壽，今獻州，又東北過故平舒縣，今河間路 東入海

入海者，桑欽說也。班云：至邑成，入河行千六百八十

里。

**易水** 出北新城，東至文安，入滹，新城今隸涿州。

**滹水** 出靈丘縣高氏山，靈丘今隸蔚州。班云：東至文

安，入大河，過郡五行，九百四十里。按文安今隸霸州

滹沱水，班云：出代郡鹵城，東至文安，入海，過郡六行

千三百七十里。按鹵城今代州，今堅 繁峙縣，其水東

經定州，今中 深澤縣，深澤今 東南即光武所度，今

俗謂之危度口。又東過瀛州，東城平舒，河二縣今 開元

中，盧暉於此引滹沱，東入淇道，漑漕文安，今隸霸州

若是入海，當在滄州界。

○禹貢五服之圖

五百里甸服，分為五等。

百里賦納總ノ 二百里納錫 三百里納結服

四百里粟 五百里米

五百里侯服分爲三等。

百里采 二百里男邦 三百里諸侯

五百里綏服分爲二等。

三百里揆文敎 二百里奮武衛

五百里要服分爲二等。

三百里夷 二百里蔡

五百里荒服分爲二等。

三百里蠻 二百里流

禹貢五服。陳祥道曰。夏之服。甸侯綏要荒。自甸至荒。凡五服。服五百里。則面二千五百里矣。面二千五百里。則爲方五千里矣。彌成五服。至于五千。周之服。侯甸男采衛蠻夷鎮藩。自侯至藩。凡九服。服五百里。則面二千七百五十里矣。面二千七百五十里。則爲方五千五百里矣。蓋夏服先甸後侯。而甸即畿也。周服先侯後甸。而畿非侯也。夏之侯。以當周之侯甸。而綏以當周之男采。周之衛蠻。以當夏之要。而夷鎮。以當夏之荒特藩服。在禹貢之外。然則周之并大中國。不過增夏五百里而已。書曰。彌成五服。至于五千。此夏五服之域。

也。東漸于海，西被于流沙，朔南暨聲教。此夏五服之外也。孔氏謂地理志言漢之土竟東西九千三百二十里，南北萬三千三百六十六里。其言山川不出禹貢之域而數不同者，直而計之以為跡，曲而量之以人跡，異耳。此說是也。

蘇氏曰：獨言甸服之賦，內詳王賦之法，而諸侯可推也。

蔡氏曰：禹聲教所及，則地盡四海，而其疆理則止以五服為制。至荒服之外，又別為區畫，如所謂咸建五長是已。若周漢則盡其地之所至而疆畫之也。

馬氏曰：甸侯綏為中國，要荒已為夷狄。聖人之治，詳內畧外，觀五服名義可見。治中國則法度宜詳，治以必治也。治蠻夷則法度宜畧，治以不治也。觀至于五千，見德化之遠及，觀要荒二服，見法度之不泛及。聖人不務廣地而勤遠畧，可見矣。

尚書通考卷之八終



